



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

Quam graue peccatum sit vsura, cap. 8

urn:nbn:de:hbz:466:1-13177

hi aliquid habere significationis, quod in vacca inquieta pœnam suam miles recepit; usurarius vero in fede, quæ signum est quietis & stabilitatis. CÆSARIVS: Deus secundum qualitatem & modum peccati, ipsum punit peccatum. Miles iste, quia vaccam rapuit, in vacca peccatum luit. Hec de qualitate. Vacca propter pascua per diuersa prata discurrit, & assidua præciso ne recrescentia gramina depascit. Vacca, ipsa sua inquietudine & depastione, nobiles & aduocatos temporis nostri designat, qui domos & agros subditorum hospitando depascunt, & per assiduas exactiones, quas in illos faciunt, in substantia recrescere non sinunt. Ipsi prædonibus in pœnis similabuntur, & sicut modò alios agitant, ita ipsi cum prædicto milite exagitabuntur. hæc de modo dicta sint. Usurarius vero, quia domi quietè residens, pecuniam suam ad usuram dedit, in inferno sedem igneam recepit. Bene autem eademi sedes ignea fuit, quia sicut ignis stipulam, ita usura pauperum deuorat substantiam.

CAPUT VIII:

APOLLONIVS:

VIDETVR mihi usura peccatum esse multū graue, & ad emendandum difficile. CÆSARIVS: Iustè moueris. Non est aliquod peccatum, quod non quandoque quiescat, usura vero nunquam à peccato cessat; dormiēt domino suo, ipsa non dormit, sed semper crescit & ascendit. Difficilis est ad emendandum, quia Deus non dimittit reatum, nisi restituatur ablatum, fornicator, adulter, homicida, perjurus, blasphemus, mox ut de peccatis suis contemnuntur, indulgentiam à Deo consequuntur; usurarius vero, licet de peccatis suis doleat, tamen quamdiu usuram tenet, cùm possit restituere, nihil consequitur indulgentię. APOLLONIVS: Quid si iam usuram consumpsit, vel liberis distribuit, nil habes præter possessiones iūstas? CÆSARIVS: Illas debet vendere & rapi nam reddere. APOLLONIVS: Quia Episcopi, qui sunt ecclesiarum Prælati & speculatores, usurariis communicant, & ad sepulturam Christianam recipiunt,

E

idcirco



idecirco multi sunt hodie. CÆSARIUS: Si solummodo
vitia sibi commissorum dissimularent, & non eis simi-
lia facerent, tolerabile esset. Quidam Episcoporum
Iere. 24. tam graues in plebem sibi subiectam hodie faciunt
exactiones, sicut personæ sacerdotalis. Isti sunt fucus ma-
lae, malae valde: valde timendum est talibus, ne sibi ca-
thedras præparent iuxta sedem usurarij in inferno,
quia usura & exactiones violentę nihil aliud sunt, quā
rapine. APOLLONIUS: Quomodo valere possent mem-
bra, vbi tam infirma sunt capita? CÆSARIUS: Occa-
sione huius sedis recordor cuiusdam parabolę, a quo-
dam Episcopo dictę.

CAPUT IX.

IN Wormatia ante paucos annos quidam Episco-
pus fuit, nomine Lupoldus, solo quidem nomine
Episcopus, opere autem tyrannus. Hic cùm esset
vanissimus, nihil in se habens pietatis, nil religiosita-
tis, dicebat ei quodam tempore germanus suus vir no-
bilis: Domine Episcope, multum scandalisatis nos
laicos vestro exemplo: antequam esset Episcopus, aliquid Deum timebatis, modò nil prorsus de illo cu-
raris. Cui ille respondit: Frater, duo vicini erant, ex
quibus unus exemplo alterius peccauit, mortui sunt
ambo, & deducti in infernum: cùm essent in tormentis,
unus alteri dicebat: Væ tibi, quia tuo exemplo prouo-
catus ad peccatum, merui hunc locum: cui alter: Bone
vicine, si placet tibi amplius sedes mea, trade mihi il-
lā, & ego tibi meā. Sic dico vobis frater, quādo vene-
rimus ad inferos, si videbitur vobis sedes mea honora-
biliar, ascendite eam, & recipiam vestram. Respondit
ille: Mala consolatio hæc. Iste Lupoldus ita diabolicus
erat, ut tempore schismatis, quod erat inter duos Reges,
Ottonem scilicet & Philippum, cū sibi usurpat̄ Epis-
copatū Maguntinensem eiusdē Philippi auctoritate,
& multis interesset bellis, non parceret ecclesijs, non
cœmiterijs. Et cū milites sui ei dicserent: Domine, non
licet nobis spoliare cœmiteria, respondit: Si ossa mor-
tuorum tollitis, tunc primū cœmiteria spoliatis. Qui
cū esset priuatus ab officio & beneficio ab Innocēto
Papa,